

北向者、有東向者、散布各處、又無石線爲界。想非本地之主要居留人。故不予清理。在此一帶亂塚之西南、有小道一通四道溝中之居民。在小道與四道溝之中間爲任瑩。

十五、任瑩。有墳二十二塚、門均東南向。在第一塚中、有墓表二方。一刻字、題建昌二年任叔達妻張掖袁氏、一墨書、題延昌元年任氏附夫人袁氏、其官職相同、則任氏當爲一人。末附張掖袁氏者、蓋其妻先死、後任氏附葬時、又續書袁氏於其後、墓中有陶器六件。其第五塚、墓表爲墨書。題建昌三年任口口、任下字模糊、不知其名爲何。墓中有陶器九件。第六塚、墓表爲刻字、題延昌卅年任顯文。無陶器。第九塚、爲朱書題延昌卅九年任氏。有陶器三件。第十塚、朱書延昌十三年任口慎妻。有陶器十七件。第十二塚、朱書延和十一年任謙。有陶器九件。第十四塚、朱書唐貞觀十五年任阿悅妻劉氏。有陶器二十件。第十七塚、朱書延壽十年任阿慶。有陶器十三件。第二十塚、墓表有二。一朱書唐顯慶元年四月十六日任相住之墓表。一墨書、爲墓誌銘、首題唐顯慶元年、四月八日交河人任相住也。兩專同誌一人、死葬之年月亦同。惟一作四月十六日、一作四月八日、相差僅八日。而其卒之年歲、一作七十有五、一作六十有一、則相差至十四年之多、決不能一人死兩次、此中必有一誤。後檢四月八日之墓誌、其任相住三字書寫特劣、與全文筆迹不類、且其干支亦與長曆不合。（說見校專記）因此余疑係取他人墓表、塗書任相住三字、以歌頌死者之功